



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Examen Theologiæ Moralis**

**Moure, Antonio Fernandes de**

**Coloniæ Agrippinæ**

Cap. 11. De septimo Decalogi præcepto.

**urn:nbn:de:hbz:466:1-40934**

## CAPVT X.

De sexto Decalogi præcepto:

*Non mæchaberis. §. 1.*

- 1 *Prohibentur in hoc præcepto omnes species luxuriæ.*
- 2 *Prohibetur morosa venereorum delectatio.*

1 **Q**VÆSTIO *Quæ prohibentur in hoc præcepto?* RES P. Omnes luxuriæ species. Deinde oscula, tactus, amplexus ob carnalem delectationem tantum. Ita Caiet. *opusc. de delect. nor. & Tolet. lib. 5. capit. 16.* Ratio est manifesta, quia licet in his sola carnalis delectatio intendatur absq; copula, illæ tamen ex natura rei ad copulam diriguntur, ac proinde huiusmodi carnalis delectatio est quasi copula inchoata.

2 **Q**VÆST. *Quid amplius prohibetur?* RES P. Morosa venereorum rerum delectatio. De his tamen circa malitiæ grauitatem, peccatorumque species ad luxuriæ vitium in 4. parte Examinis, si tibi placet, tractationem omit-  
tamus.

## CAPVT XI.

De septimo Decalogi præcepto. §. 1.

*Non furtum facies.*

- 1 *Quid prohibetur in hoc præcepto*
- 2 *Quid intelligitur nomine furti.*
- 3 *De iniusta acceptione & retentione.*
- 4 *Quæ est iniusta ablatio, aut retentio inuito Domino.*
- 5 *De irrationabiliter inuito domino.*

1 **Q**VÆSTIO. *Quid prohibetur in hoc præcepto?* RES P. Furtum.

2 **Q**VÆST. *Furti nomine quid intelligitur?* RES P. Ablatio quæuis iniusta rei alienæ, domino iuste inuito. Hæc furti definitio, quod sub hoc præcepto interdicitur, ab omnibus colligitur Doctoribus.

G 2

3 QVÆSTIO



3 QVAEST. *Ablationis nomine solam iniustam rei acceptio-  
nem intelligis?* RESP. Minime: sed quamuis etiam iniusta  
retentionem, & praeterea quamuis iniustam damnifica-  
tionem. Ita enim intelligit D. Thom. 2. 2. qu. 6. ar. 1. Re-  
mel. l. p. *Pantheologia. tit. de furt. ca. 1. Sot. 5. inst. ar. 1. alique*  
communiter.

4 QVAEST. *Qua est iniusta ablatio, aut retentio domino in-  
uito?* RESP. Quae fit absque vlla causa, & ratione, ob  
quam irrationabiliter inuitus censeatur dominus.

5 QVAEST. *Suntne aliqua causa ob quas dominus ablatio-  
nem pati, & retentionem censeatur irrationabiliter inuitus?*  
RESP. Plurimae quidem. Atque in primis eam ablationem,  
& retentionem, quae per iocum, vt saepe contingit inter  
amicos. Secundo eam, quae fit in poenam. Qualis fuit abla-  
tio, & retentio Aegyptiarum diuitiarum facta in exitu  
captiuitatis a filiis Israel, iubente Deo, non tantum vt re-  
rum domino, quas a quouis auferre, & cuius donare  
potest, iuxta illud Iobi proloquium. *Dominus dedit, do-  
minus abstulit.* &c. Sed etiam, vt iudice in poenam diui-  
tiarum copias pro labore captiuis adiudicante, vt voluit  
D. Thom. Sot. & alij proxime citati. Tertio eam, quae fit  
in ipsius domini commodum, & vtilitatem; vt cum vxor  
pecunias clam surripit, ne eas maritus alea obliguriet,  
quas in vsum familiae necessarium consumit. Ita Syl-  
furt. §. 15. Quarto eam, qua quis chartas rumpit, ne aleator  
patrimonium ludae: vinum fundit, ne alius inebrietur,  
quia haec oblationes ex proximi charitate procedunt, ad-  
uersus quam iniuste dominus stomachatur. Quinto eam,  
quae fit cogente extrema, vel graui necessitate, quia haec  
procedit ex charitate propria bene ordinata, quae in ex-  
trema necessitate omnia facit communia: in graui vero  
pro tempore praesentis inopiae postea reuocanda in pin-  
giori fortuna. Sexto eam, per quam fit recompensatio  
certi & liquidi debiti, quod alia via iuridice praeter debito-  
ris potentia nequaquam recuperari potest. Ita omnes  
Doctores. Dixi, quod alia via recuperari non potest,  
quia eam potest, peccat grauius recompensator; sed  
quoniam suum accipit, restituere non tenetur. Ita Ar-  
chid. 14 qu. 5. & Tolet. proxime citatus. Ratio est, quia  
sine causa iram proximi commouet, & scandalum praesentat.



bet suspicantibus esse in vicinia raptores. Quod si ob id innocens quisquam veniat in suspensionem furti: absolute aliqui affirmant teneri recompensantem manifestare furtum, & ablatum reddere, putantque id decretum ab Innocentio cap. *Olim de rest. spol.* cuius hæc sunt verba. *Quidam dicunt & non male, quod etiam sua auctoritate potest quis accipere furtive, dummodo ex tali furto nec malum, nec scandalum oriatur: quia si inde generetur, vel contra uxorem, vel contra familiam, vel contra quemcunque alium, debet rem in pristinum statum restituere. Verum tamen de hac re in restitutione de homicidio latius dicā: interim Dico primo, Si nullum recompensans damnum prævidit proximo euentum ex recompensatione, potest ex charitate cum propria infamia ablatum restituere. Ratio est, quia suæ famæ dominus est. Nō tamē tenetur. Ratio est, quia iure suo usus est, ex quo per accidens illud alteri damnum euenit. Dico secundo. Si recompensans illud damnum prævidit, sed doluit, neque ex illius intentione recompensationem fecit, etiam propter eandem rationem non tenetur restituere. Dico tertio. Si damnum prævidit, & ex odio ad compensationem processit, tenetur cum propria infamia damnificatum suspensione liberare.*

6 QVÆST. Quos intelligis dominorum nomine? RESP. Intelligo etiam custodes rei ablatae, ut creditores, depositores, pignoratōres. Ideo ab ijs clam, & inuitis nec proprii domini absque peccato possunt rem auferre. Ita docet D. Thom. proxime citatus, Sylu. *furt. 2. Ang. ibidem.* §. 4.

## CAPVT XII.

### De restitutione in communi. §. 1.

1 *Quid est restitutio.*

2 *Quæ consideranda circumstantia in restitutione.*

1 QVÆSTIO. *Quid est restitutio?* RESP. Est actus iustitiæ commutatiuæ, quo cuique redditur quod ab eo iniuste ablatum est, vel iniuste eo inuito retinetur.

G 3

2 QVÆST.